

Ils nunconformists da la Refurmaziun

■ **Preschentaziun dal cudesch: Zwischen den konfessionellen Fronten. Schriften des Buchhändlers und Schwenckfelders Jörg Frell (um 1530–um 1596) von Chur, elavurà da Christian Scheidegger, edi da l'Archiv dal stadi dal Grischun, sa legran l'Archiv dal stadi e la Biblioteca chantunala dal Grischun d'Az envidar a la retscha d'occurrenzas accompagnanta.**

Tgi era Jörg Frell?

Jörg Frell ha vivì sco liacudeschs e sco librarì cun sia famiglia en relaziuns modestas a Cuira, fin ch'el ha tschiffà dispita l'onn 1570 cun il reverenda da citad Tobias Egli (1534–1574) ed è vegnì bandischà tras il cussegl da citad. Tranter auter vuleva Egli prescriber al librarì tge che quel dueva crair e tge cudeschs ch'el dasgava vender. Cunter quai è Frell sa dustà ed ha insistì ch'en dumondas da cardientscha na saja el betg obligà envers ils umans, mabain sulettamain envers Dieu en trais persunas. Ni sias perditas comercialas, ni sia bandischun definitiva da Cuira l'han pudì persvader da renunziar a sia cardientscha e da renconuscher la ductrina da la baselgia evangelica. La finala ha el pajà char ed ensalà per sia tscherna conscienta en la suatientscha da Jesus. Dal puntg da vista da la teologia era el influenzà dal refurmatour Caspar Schwenckfeld (1489–1561), il qual s'en-

gaschava per in cumpromiss independent tranter las fronts confessionalas che sa furmavan alura ed aveva institui ina rait correspudenta en la Germania dal sid.

Frell ha mess en scrit ils eveniments areguard il process cunter sia persona ed areguard ses confess en il «Verfolgungsbericht». Quest ed auters texts en prosa tradids sco er sias poesias en rima vegnan edidas per l'emprima giada en il tom gist cumparì. Els dattan ina invista da la situaziun confessionala a Cuira sunter la Refurmaziun, cunzunt però da la pietusadad d'in mastergnant cultivà e d'in nunconformist dal 16avel tschientaner. Las scrittiras da Frell èn vegnidas legidas en emprima lingia dals circuls schwenckfeldians. Uschia èn vegnidas integradas in pèr da sias poesias en ils cudeschs da chant dals successurs da Schwenckfeld oriunds da la Silesia ed emigrads en la Pennsylvania.

Lieu ha la preschentaziun mesemna, ils 6 da favrer 2013 a las 17.30 en la Biblioteca chantunala dal Grischun, 1. plaun
Vernissascha dal cudesch: Christian Scheidegger, lic. fil., Turitg: Der Churer Buchhändler Jörg Frell (ca. 1530–ca. 1597) – ein Ketzer und Rebell?
Ute Evers, dr. fil., Minca: Jörg Frell und die geistlichen Lieder der Schwenckfelder cun chant

*Ursus Brunold,
Achiv chantunal dal Grischun*